



SANTO TOMAS EGUNA BIHAR

1.580 kiloko zezena ikusgai jarriko du Mikel Lujanbiok Donostian, Santo Tomas egunean

Zazpi urteko zezena da, eta Azpeitiako Agite baserrian hazi dute. Okendon egongo da ikusgai 10:00etatik 17:00etara. Goiz Eguzkin ere, Santo Tomas eguna ospatuko dute bihar.

MIKEL Lujanbio *Xapo* hernaniarrak ikusgai jarriko du bihar Donostiako Santo Tomas ferian, Ven, 1.580 kiloko zezena. Zazpi urteko zezena da, Azpeitiako Agite baserrian jaioa, eta bertan hazia. Blonda Akitania arrazakoa da, eta lehiaketa askotan irabazi ditu sariak, bai Euskal Herri mailan, eta baita Espainian ere.

Lujanbiok, Abere Haragiak enpresako arduradunak, erosi du, eta hain ikusgarria izanik, ferian ikusgai jartzea erabaki du. Donostiako Okendo plazan egongo da, Maria Cristina hotela eta Victoria Eugenia antzokiaren artean, goizeko 10:00etatik 17:00etara.

«Oso haragi goxo eta xamurra du, ondo gobernatua dago» Lujanbiok azaldutakoaren arabera, jan eta lo besterik ez du egin, eta beti oso ondo gobernatuta egon da. Beraz, nahiz eta ez gauden zezena-



Ven zezena, Azpeitiako Agote baserriko zelaietan.

ren haragia jatera ohituta, Venek oso haragi goxo eta xamurra izango du. Kanalean, 1.100 kilo pisatuko dituela aurreikusten dute.

Ven zezena erosita, Abere Haragiak enpresak bere lana ezagutzera eman nahi du ostalarien artean.

2.500 plaza gehiago RENFEK, Donostiara joateko Goizeko 10:00ak eta 12:00ak bitartean gerturatzen da jende gehien Donostiara, Santo Tomas feriarra. Hori kontuan izanda, tarte horretan RENFEK plaza gehiago jarriko dituela jakinarazi du.

Goiz Eguzkin ere, txistor-jatea bihar Goiz Eguzkiko kideek txistor-jatea antolatu dute bihar, Santo Tomas eguna ospatzeko. Ondoren, kaleko eta mahai jokoetako sari banaketa egingo dute, udazkeneguko txapelketetakoak. ||



Nahikoa txistorra janda dira Sorgintxulon.

Santo Tomas egunari aurre hartuta, txistor-jatea egin zuten igande eguerdian Sorgintxulon. Ondoren, Gabonetako saskia eta ardoak zozketatu zituzten bazkideen artean. ||



Portuko plaza gainezka, Santo Tomas ospatzeko.

Ibarrolaburu Plazan eta arkupetan ospatu zuten igande eguerdian Santo Tomas eguna Portun. Auzotar ugari gerturatu ziren txistorra jatera, eta ondoren, Gabonetako saskia zozketatu zuten. ||

❖ GABONAK Olentzero Kardaberaz kalean dago

Urtero Biterin egoten zen Olentzero Kardaberaz kaleko 20garren zenbakian dago aurtien. Umeen bixitak jaso zain dago bertan, 24ko gaua iritsi bitartean. Nahi duenak, gutuna botatzeko buzoia ere bertan du. ||

❖ GABONETAKO SASKIA

Errifak erosteko azken eguna, osteguna

Berriak eta Hernaniko Kronikak saskiak zozketatuko dituzte aurtien ere, Gabonetan. Lau saski osatu dituzte, eta guztiak Biterin zozketatuko dituzte ostiralean, eguerdiko 12:00etan. Errifarik ez duenak, salgai ditu Berriakeko komertzioetan eta Hernaniko Kronikan, euro batean. Erosteko azken eguna, osteguna da. ||

❖ OZENKI ABESBATZA Gabonetako loteriako hainbat zenbaki, baliogabe

Ozenki abesbatza Gabonetako loteria saltzen aritu da, eta azaldu dutenez, bazkide batek galdu egin ditu berari zegozkion loteria batzuk. Hortaz, hainbat zenbaki balio gabe geratu dira: 1.920 eta 1.950 bitartekoak. ||

❖ SAN JOAN KONPARTSA Txerritxoaren zenbaki saritua: 3.218a

Santo Tomas eguna ospatu zuten San Joan Konpartsako lagunek larunbatean, eta aurtien ere, txerritxo bat zozketatu dute. Zenbaki saritua abenduaren 17ko itsuekin atera zen, eta 3.218a da. Saridunak urtarrilaren 18ra arte du txerria jasotzeko; deitu 695 75 31 38ra. ||

Mendi Lore
loradenda, jardineritza



Larramendi 5, HERNANI. Tel: 943 55 23 26.

**GABONETAKO
ZOKETA
2011**

*Errifak salgai!

**BETE DITUGU
4 SASKIAK!**

ZOKETA OSTIRALEAN, 12:00ETAN, BITERIN

DORRONSORO

**Ogi egin berria
beti zure eskura**

OKINDEGIA

Orain bi tokitan aurkituko gaituzu:
⇒ **Lizeaga 4an.**
Ogia eta bolleria aukeran.
Orduetgia 07:15-14:00/17:00-21:00

⇒ **Akarregi poligonoan,** obradore nagusia, denda eta kafetegia.
Orduetgia: 05:30-13:30/16:00-19:30



TELEFONAK ● Taxiak: 943 550093 ● Udaltzaingoa: 943 248900 ● **DYA**: 943 464622
 ● **Autobusak**: Garayar: 943 556658, Areizaga: 943 452708, Korreoa Goizueta-Hernani: 948 514037
 ● **Anbulatorioa**: 943 006666 - 943 203020 ● **Jokalari anonimoak**: 943 331103 ● **Alkoholiko anonimoak**: 943 331103
 ☩ **FARMAZIAK** ● Egunez: **Correa** Perkaiztegi 8 - 943 336022 ● **Gauz**: **Aizpuru** Latsunbeberri 11 - 943 336077

EGURALDIA
GAUR Eguraldi goibela eta bustia izango da. Fronte berri bat iritsi eta euria egingo du, etengabe. Temperaturak gora egingo du, zertxobait: Min.7° / Max.12°
BIHAR Eguna lainoan pasako bada ere, euri gutxiago egingo du. Temperaturak gorako joerari eutsiko dio: Min.10° / Max.14° (euskaime)

HERNANI 'N MUSIK - Udazkeneko Saioak



Emanaldi ezin gozoagoa eskaini zuen Maddi Oihenartek Biterin.

Hernani'n Musik ekimenaren udazkeneko saioak ostegunean bukatu ziren, Maddi Oihenarten kontzertu ikusgarriarekin. Hasi aurretik, Onintza Albeniz hernaniarrak harpa emanaldia eskaini zuen, Maddi Sanz eta Sara Mesa gazteekin batera. Ondoren, ahotsa izan zen ardatza. Aurreikusitako bezala, Maddi Oihenartek kontzertu bikaina eskaini zuen, kalitatez beterikoa, Juantxo Zeberio, Txema Garces eta Pello Ramirez taldekin. *Baldi* azken diskoko kantuak, eta *Hari Biru* aurreko lanekoak kantatu eta jo zituzten. ||

EHIZA - Urriaren 12tik urtarrilaren 31ra



Andrea Rodriguez uruguayarra ehizean, Larre Gainen.

Ehiza denboraldia aurrera dioa, eta Hernaniko ehiztariek diotenez, usoa altu pasa da aurten. Andrea Rodriguez da usotan aurten ibilitako ehiztarietako bat. Uruguaykoa da, eta bost hilabete daramazki Hernanin bizitzen. Txikitatik datorkio ehizerako zaletasuna, eta Uruguayan bezala, Hernanin ere probatu nahi zuen; aurreneko tiroak Larre Gainen bota zituen. Bi parajeak alderatuz gero, hemengo nahiago duela dio Rodriguezek: «Uruguayko zelaiek oso lauak dira. Hemen mendia da nagusi, eta ehizerako, nahiago dut». ||

Jasota Bezala

✓ Gutuna argitaratzeko ezinbestekoak dira: izena eta bi abizen, NAN edo EHNA zenbakia eta telefonoa ✓ Gehienez 1.800 karaktere onartuko dira ✓ Kronikak beste hizkuntzetan jasotako kartak euskeratzen ditu ✓ Kronikak ez ditu bere gain hartzen sail honetan esaten direnak.

Chico nacional responsable se ofrece...

Adinekoak zaintzeko eta etxeko lanak egiteko bere burua eskaintzen duen mutil baten iragarkia da, egun Ergobiako plazan dagoena. Hitz batek eman dit arreta irakurle, zuri ere eman dizun horretxe segur aski. Hori idatzi duena ez da atzerritar hegoamerikarra, sarri adinekoak zaintzen ikusten ditugun horietakoa, ez, nazionala da, espainola, eta harro dago horretaz; ezen iruditzen baitzaio lan aukera gehiago duela gure inguru honetan hori hala adierazita. Ez diogu deituko, eta delako horrek ere idatzi hau ez du irakurriko, hortxe nonbait!

Adinekoen zaintza gero eta arazo handiagoa da gurean, denok dakigun bezala. Gaizki ordaindutako lana, hemengo

euskaldunek estimu handitan ez duguna. Horregatik, hainbeste ez-euskaldun lan horretan.

Gotzon Egaña datorkit burura. Gerraondoan maisua izan zen, euskaraz ematen zuen herri txikitian, esaterako, Zegaman -Joseba Intxaustiren irakasle izan zen-, eta Donostian bizi izaki, euskarazko antzerkia landu zuen, testu-idazle gisa. Emaztea hil zitzaion eta azken urteetan kubatar emakume batek zaintzen zuen. Beti euskaraz bizi izana, euskaltzale porrokatua; azken urteetan kubatar erdaldun baten eskuetan. Euskaldun batekin gusturago zatekeen, baina ez zioten aukerarik eman. Badakit euskaldun zenbaitek ez diola hizkuntzari begiratzen baizik eta diruari, eta merkeena hartzen duela.

Ergobian iragarki hori jarri

duen mutilak non ikasi ote du? Berriki etorria ote bera ere, nahiz Espainiatik etorri, eta ez Amerikatik; Hego Euskal Herriko leku erdaldunen batean hazia eta hezia; eskola porrotaren ume, menturaz?, edota gure artean D ereduaz ibilia? Jakiteak baluke interesik.

Bestez behartzen naizena, neurek zaindua nahiko nuke izan, eta posible ez balitz, euskaldunen batek, euskaldun gisakoren batek noski, ez edozelakoak, eta iragarki jartzaile horri komeniko litzaioke jakitea "nacional" izenondo horrekin ez zaiola lan aukera gehiegi zabalduko gurean, eta balitekeela murriztea ere, ez dakidan neurri batean. Gustura irakurriko nituzke ni baino jantziagoak eta arituagoak gai honetan!

Pako Sudepu Elortza

◆ TXANTXANGORRI - EHIZA

Txakur eta guztiko ehiza txapelketan parte hartzeko, zabaldu dute izen-ematea

Txakur eta guztiko ehiza txapelketa antolatu du Txantxangorri elkarteak urtarrilaren 8 eta 15ean. Parte hartu nahi dutenek, alde aurretik eman behar dute izena, elkartearen. Ordutegia: astelehene-tik ostiralera, 19:30etatik 20:30etara. Izena emateko azkeneko eguna urtarrilaren 6a da, 20:30etan eta parte hartu nahi dutenek, izena eman aurretik ordaindu behar dute. 35 ehiztarik baino gehiagok emango balute izena, zozketa egingo litzateke. ||

◆ ZUMITZA

Lizentziak tramitatzeko egunak, gaur eta bihar Zumitzan

Zumitzako txirindulari eta triatloi taldeetan parte hartu nahi dutenek gaur edo bihar pasa behar dute lizentziak tramitatzera, 19:30etatik 20:30etara. Lizentziak tramitatu aurretik, 85 euro sartu behar dira 2101 0041 03 0127163806 kontu korrontean, eta agiria aurkeztu behar da. Horrez gain, arropa probatzeko azken astea izango da, eta ondoren, beste aste bat izango da eskaera egiteko. ||

◆ ARETO FUTBOLA

Urtea Azpeitikori irabazita bukatu du Horbel Tabernak

Ez zuten nahi adina gozatu eta duten jokurik onena erakutsi, baina Horbel taberna taldea 3 puntuekin itzuli zen Hernanira. Azpeitikoren kontra 0-1 galtzen hasi bazen ere, buelta eman, eta 3-1 irabazi zuen talde hernaniarrak. ||

◆ SASKIBALDIA

Teklan Hernani nagusi, Iruni 72-66 irabazita

Aurkari zailaren kontra ondo nagusitu zen Teklan Hernani senior taldea. Irungo Carnicas San Marcial taldeari 72-66 irabazi zion. ||

◆ ELUR TXORI - MUS TXAPELKETA

Banakako mus txapelketako bost partida jokatu dira gaur, Elur Txorin

Mus Txapelketa ari dira jokatzen Elur Txori elkartearen, banakakoa. Antolatzaileek jakinarazi dutenez, gaur bost partida jokatu dituzte: Mikel AR/Josu; Gorka/Txema; Patxi/Esnal; Zubillaga/Iñaki Imaz; eta Mikel Aierdi/Uriarte. ||

◆ IRAGARKI MERKEAK ◆

ETXEKO KONPONKETAK egiten dira; iturgintza, elektrizitatea, pintura, berogailuak, antenak ere bai... **Seriotasuna. Deitu: 616 886 660.**

YOLANDA ESTETIKA ZENTRUA. Fotodepilazioa, eguberrikako prezio bereziak 2X1. Beharpenak aurpegi tratamenduetan. Dieta pertsonalizatuak, zure pisua kontrolatzen dugu. Plataforma bibratzaila. **Atzietan 2, behean. Tel. 943 55 32 78.**

Alia C.C.: Modu pertsonalean eta profesionalean garapena lortzeko: **Coaching, PNL, erlajazioak, Flores de Bach, hipnosia...** Deitu: 943 33 28 94 / 653 267 146. (Agustindarren plaza, 4)

Iñigo Royo Masajista. Masajea, naturopatia, akupuntura, ajuste neurologiko eta berbebrala, reflexologia, auriculoterapia,... 943 33 28 94 - 626 80 76 33 (Agustindarren plaza, 4)

IRIZAR ARDOAK



La Rioja Alta, S.A.

CASTILLO DE
MONJARDIN

Barón de Oña



TORELLÓ
CAVA

SOLAGUEN

Telefonoa: 943 55 10 01 Akarregi, 3c partzela 20120 HERNANI